

Na osnovu člana 7. st. 2. i 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), čl. 25. i 34. Zakona o ustanovama ("Službeni list R BiH" br. 6/92, 8/93 i 13/94), čl. 87, 90, 92. i 94. Zakona o visokom obrazovanju ("Službene novine Kantona Sarajevo", br. 17/99, 14/00, 15/01, 13/02, 12/03, 15/03 i 13/04) i čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 84. sjednici, održanoj 14. oktobra 2004. godine, donijela je

ODLUKU ¹

O STANDARDIMA I KRITERIJIMA ZA NOMINIRANJE / IMENOVANJE NA POZICIJU PREDSEDNIKA IČLANOVA UPRAVNIH I NADZORNIH ODBORA UNIVERZITETA, VISOKOŠKOLSKIH USTANOVA I NAUČNOISTRAŽIVAČKIH INSTITUTA, KAO JAVNIH USTANOVA NA PODRUČJU KANTONA SARAJEVO I JAVNE USTANOVE STUDENTSKI CENTAR SARAJEVO, ČIJA KONAČNA IMENOVANJA VRŠI VLADA KANTONA SARAJEVO

I

Ovom odlukom Vlada Kantona Sarajevo utvrđuje standarde i kriterije za nominiranje / imenovanje na poziciju predsjednika i članova Upravnih odbora i Nadzornih odbora univerziteta, visokoškolskih ustanova i naučnoistraživačkih instituta, kao javnih ustanova i to:

1. Univerzitet u Sarajevu;
2. Akademija likovnih umjetnosti;
3. Akademija scenskih umjetnosti;
4. Arhitektonski fakultet;
5. Ekonomski fakultet;
6. Elektrotehnički fakultet;
7. Fakultet sporta i tjelesnog odgoja;
8. Fakultet kriminalističkih nauka;
9. Fakultet političkih nauka;
10. Farmaceutski fakultet;
11. Filozofski fakultet;

¹ Ova Odluka objavljena je u „Službenim novinama Kantona Sarajevo“ broj: 25/04 i 23/05. Ovaj tekst predstavlja prečišćeni tekst Odluke kloni je pripremila Ministarstvo obrazovanja i nauke Kantona Sarajevo.

12. Građevinski fakultet;
13. Mašinski fakultet;
14. Medicinski fakultet;
15. Muzička akademija;
16. Poljoprivredni fakultet;
17. Pravni fakultet;
18. Prirodno-matematički fakultet;
19. Fakultet za saobraćaj i komunikacije;
20. Stomatološki fakultet sa klinikama;
21. Šumarski fakultet;
22. Veterinarski fakultet;
23. Pedagoška akademija;
24. Visoka zdravstvena škola;
25. Institut za istoriju;
26. Orijentalni institut;
27. Institut za genetičko inženjerstvo i biotehnologiju;
28. Institut za istraživanje zločina protiv čovječnosti i međunarodnog prava i
29. Javne ustanove Studentski centar Sarajevo (u daljem tekstu: Studentski centar).

II

Za predsjednika i člana Upravnog odbora i predsjednika i člana Nadzornog odbora u javne ustanove iz tačke I ove odluke može biti nominiran / imenovan kandidat koji ispunjava slijedeće opće uslove:

- a) da je stariji od 18 godina;
- b) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije pod kojim se podrazumijeva svaka poslovna saradnja između ustanove i aplikanta za članstvo u Upravnom ili

Nadzornom odboru i njegovog bliskog srodnika koja podrazumijeva novčanu naknadu, osim primanja po osnovu radnog odnosa aplikanta;

- c) da se na tog kandidata ne odnosi član IX. 1. Ustava Bosne i Hercegovine;
- d) da nije osuđivan za krivično djelo i za privredni prestup nespojiv sa dužnošću u Upravnom odboru i u Nadzornom odboru Javne ustanove;
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti Bosne i Hercegovine ("Službeni glasnik BiH", br. 16/02, 14/03 i 12/04).

Pored navedenih općih uslova, kandidat koji se nominira / imenuje za poziciju predsjednika i člana Upravnog odbora i predsjednika i člana Nadzornog odbora treba da ispunjava i sljedeće posebne uslove:

- a) Univerzitetna diploma i najmanje 5 (pet) godina radnog staža u struci;
- b) da nema privatni finansijski interes u javnoj ustanovi u čiji se Upravni i Nadzorni odbor imenuje,
- c) Da nije rektor ili prorektor Univerziteta u Sarajevu, dekan, odnosno direktor javne ustanove u koju aplicira,
- d) da nije član više od jednog organa upravljanja ili nadzora bilo kojeg pravnog lica što može podrazumijevati ustanove, privredna društva, agencije, udruženja, fondove i sl,
- e) daje državljanin Bosne i Hercegovine,
- f) da je u ustanovi gdje aplicira zaposlen na neodređeno vrijeme - za aplikante koji apliciraju ispred stručnih uposlenika javne ustanove.

III

Upravni odbor Univerziteta u Sarajevu ima 7 (sedam) članova.

Nadzorni odbor Univerziteta u Sarajevu ima 3 (tri) člana.

Predsjednika i članove Upravnog odbora i Nadzornog odbora Univerziteta u Sarajevu imenuje Vlada Kantona Sarajevo.

Najmanje tri člana Upravnog odbora imenuju se iz reda redovnih profesora koji su zasnovali radni odnos sa punim radnim vremenom u nekoj od ustanova - članica Univerziteta u Sarajevu.

Jedan član Nadzornog odbora imenuje se iz reda nastavnika koji su zasnovali radni odnos sa punim radnim vremenom u nekoj od članica Univerziteta u Sarajevu"

Rektor, prorektori, generalni sekretar Univerziteta, dekani i direktori ustanova - članica Univerziteta ne mogu biti članovi Upravnog odnosno Nadzornog odbora Univerzite ta.

Tri (3) člana Upravnog odbora Univerziteta u Sarajevu imenuju iz reda stručnih uposlenika javne ustanove u skladu sa Pravilima, a četiri (4) člana Upravnog odbora Univerziteta u Sarajevu (uključujući i predsjednika) predlaže Ministarstvo obrazovanja i nauke Kantona Sarajevo.

Jedan (1) član Nadzornog odbora Univerziteta u Sarajevu imenuje se iz reda stručnih uposlenika javne ustanove u skladu sa Pravilima, a dva (2) člana Nadzornog odbora Univerziteta u Sarajevu (uključujući i predsjednika) predlaže Ministarstvo obrazovanja i nauke Kantona Sarajevo.

IV

Upravni odbori visokoškolskih ustanova i naučnoistraživačkih instituta iz tačke I ove odluke imaju 5 (pet) članova.

Nadzorni odbori visokoškolskih ustanova i naučnoistraživačkih instituta iz tačke I ove odluke imaju 3 (tri) člana.

Predsjednika i članove upravnih odbora i nadzornih odbora visokoškolskih ustanova i naučnoistraživačkih instituta imenuje Vlada Kantona Sarajevo i to na način što će se primijeniti kriteriji da se, od kandidata koji su se prijavili na oglas.

Dva (2) člana Upravnog odbora visokoškolskih ustanova i naučnoistraživačkih instituta imenuju iz reda stručnih uposlenika javne ustanove u skladu sa Pravilima.

Jedan (1) član Nadzornog odbora visokoškolskih ustanova i naučnoistraživačkih instituta imenuje se iz reda stručnih uposlenika javne ustanove u skladu sa Pravilima.

V

Upravni odbor Studentskog centra iz tačke I ove odluke ima 5 (pet) članova.

Nadzorni odbor Studentskog centra iz tačke I ove odluke ima 3 (tri) člana.

Predsjednika i članove Upravnog odbora i Nadzornog odbora Studentskog centra imenuje Vlada Kantona Sarajevo i to na način što će se primijeniti kriteriji da se, od kandidata koji su se prijavili na oglas:

Jedan (1) član Upravnog odbora Studentskog centra predlaže Univerzitet u Sarajevu, dva (2) člana Upravnog odbora Studentskog centra imenuju se iz reda stručnih uposlenika javne ustanove u skladu sa Pravilima.

Jedan (1) član Nadzornog odbora Studentskog centra imenuje se iz reda stručnih uposlenika javne ustanove u skladu sa Pravilima.

VI

Prilikom primjene standarda Vlada Kantona Sarajevo neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja presude za koju je izrečeno pomilovanje.

VII

Na osnovu općih uslova utvrđenih u članu 7.1. Zakona o ministarskim, vladinim i drugim imenovanjima Federacije BiH i standarda i kriterija iz tačke II ove odluke, ministar obrazovanja i nauke Kantona Sarajevo, shodno odredbama člana 8. navedenog Zakona objavljuje oglas za imenovanje predsjednika i članova upravnih odbora i predsjednika i članova nadzornih odbora javnih ustanova iz tačke I ove odluke koji će se objaviti u "Službenim novinama Federacije BiH" i najmanje u jednom dnevnom listu velikog tiraža.

VIII

Postupak izbora obavlja se u skladu sa odredbama Zakona o ministarskim, vladinim i drugim imenovanjima Federacije BiH.

IX

Ministar obrazovanja i nauke Kantona Sarajevo predlaže Vladi Kantona Sarajevo sastav Komisije za izbor predsjednika i članova upravnih odbora i predsjednika i članova nadzornih odbora.

X

U slučaju da se u toku trajanja mandata člana Upravnog ili Nadzornog odbora pojave razlozi po kojima imenovani član više ne ispunjava kriterije kako je propisano ovom odlukom, isti je obavezan podnijeti ostavku na dužnost člana Upravnog ili Nadzornog odbora, odmah po nastupanju tih razloga.

U slučajevima iz prethodnog stava Ministar obrazovanja i nauke je dužan po službenoj dužnosti pokrenuti postupak razrješenja.

XI

Standardi i kriteriji za nominiranje / imenovanje čuvaju se u evidenciji Vlade Kantona Sarajevo.

XII

Ova odluka stupa na snagu danom donošenja, a objavit će se u "Službenim novinama Kantona Sarajevo".